

明世法錄



明世法錄



皇明世法錄卷之八十一目次

東夷

朝鮮

西戎

土魯番

于闐

沙鹿海牙

迭里迷

亦思把罕

納失者罕

皇明世法錄 卷八十一 目次

八刺黑

天竺

黑葛達

沙哈魯

敏真誠

哈密

曲先

火州

亦力把力

賽蘭

卜花兒

荅兒密

哈烈

魯迷

榜葛刺

天方

火刺札

白松虎兒

赤斤蒙古

罕東

柳陳

撒馬兒罕

達失干

養夷

失刺思

俺都淮

麻林

沼納模兒

默德那

吃力麻兒

加異勒

安定

阿端

黑婁

渴石

拂菻

阿速

西番

皇明世法錄卷之八十一

史官

陳仁

次

東夷

朝鮮

朝鮮直遼東南古箕子國初箕子胥餘既陳洪範
避地朝鮮商衆從者五千人武王因封焉乃教民
禮義田蠶俗貞潔其號朝鮮以日東出鮮潤故名
周衰地邊燕燕自立爲王欲東畧地朝鮮矣亦稱
王將起兵逆擊燕尊周室大夫禮諫使西說燕罷
其兵後子孫稍驕燕遣將秦開西闢地二千餘里
築鄣塞朝鮮寢微秦并天下築長城抵遼東朝鮮
王否服屬外微否死子準立會陳項起燕齊趙民
多亡附是時去始封已四十餘世矣漢興修遼東
故塞界沮水屬燕王盧綰綰反走匈奴燕人衛滿
聚黨千餘椎結胡服度沮水說準居西鄙扞邊準
拜爲博士遂得秦故空地益誘燕齊亡命役屬詐
稱漢兵至還攻準準亡入韓滿遂自王朝鮮都王
險幸惠時滿約爲外臣保塞益成行旁小國兼有
濊北與高句驪沃沮地凡數千里傳子及孫右渠
漢使涉河誘諭不奉詔已又襲殺何武帝遣樓船

改登萊貢道繇明州元豐元年造兩艦報聘自定
海絕洋而東而徽奉契丹正朔往往兩屬通使元
祐八年高麗獻黃帝鍼經詔頒天下共使請鬻歷
代史及冊府元龜等書禮部尚書蘇軾疏却之有
旨書籍經買者聽宣和中求二醫往歸日王楷語
曰聞朝廷將用兵遼遼兄弟國存之足爲邊扞女
直虎狼不可交也願二醫歸報天子早爲備及回
奏無及矣先是遼侵高麗置保州金已克黃龍府
高麗請還舊疆不許及遼亡王楷解藩如遼側而
宋自高麗改貢道明越國於供給兼慮爲金間罷

皇明世法錄

卷八十一

東夷

四

朝鮮

一切使命紹興三年楷修貢仍溫詔答焉當是時
其國都開城府依山險名曰神高即松岳也東京
新羅爲東州樂浪府南京百濟爲金州金馬郡西
京平壤爲鎮州而西京最盛元興契丹衆九萬餘
寇據江東城元遣偏師會高麗滅之歲輸貢後絕
信使太宗命散禮塔往征抵王京其王獻奉牛酒
勞師尋復寇海島憲宗末遣世子德入朝獻卒歸
國更名祖世祖後禪修世見禮朝上郎王元初立
濠州處高麗降民遣使通好日本諭旨爲鄉導期
得要領併相視耽羅道路祖爲其臣林銜所廢立

弟涓議征之無何祖復位來朝詔西京內屬改東
寧府畫慈悲嶺爲界以安撫使佩虎符戍其西境
中書省請屯田金州安撫使阿海畧地平珍島祖
致書日本使通好經畧使忻都入海拔耽羅城詔
高麗僉軍助征日本以皇女嫁世子慎襲父爵改
鑄駒馬高麗王印賜之堪子諱源子肅嗣王肅傳
弟高以訖元亡國朝洪武元年遣符寶郎侯斯
賜高麗王顯璽書二年顯表賀貢方物詔齎金
印封爲高麗國王頒大統曆復諭王固圉蒐乘謹
備倭無崇信釋氏賜六經四書通鑑漢書使者

皇明世法錄

卷八十一

東夷

五

朝鮮

言王顯有侄女遭亂沒軍中
上令中使訪歸本國仍厚衣餼三年遣使代祀其國
山川會定取士格詔許高麗安南等國貢赴京
師會試以沙漠平往諭四年賜高麗貢士金壽
第以不通華言給道里費回籍中書省奏禁使者
關出貨物不許五年安置歸德侯陳禮歸義侯明
昇於高麗王顯請遣子弟入太學表言耽羅國多
畱蒙古人及蘭秀山逋寇宜誅治詔耽羅已屬
無滋疑忌逋寇可傳檄定其罷兵以貢馬不誠卻
其使七年諭中書省高麗頻涉險來貢宜令三年

或比年一聘八年王顯被執以養子禍嗣貢愆
致遼東守臣勿與通十年請顯謚號

上曰顯試久今始請謚將假朝命鎮服其民且掩逆

跡其勿與降殺切責遣都督僉事濮真往訊死之

十二年高麗屬夷龍州土官鄭白等內附守將潘

敬葉旺以聞 敕無受降開豐十六年陪臣張伯

崔泊來貢以頃歲不庭渝約卻不受 命禮部咨

諭之十八年許禍嗣王 賜故王顯謚恭愍貢布

萬疋馬千匹謝明年請易冠服不許二十年指揮

僉事高家奴等市馬高麗還言禍辭馬直諭鎮守

延安侯唐勝宗償直如敕初遼瀋民多避亂高麗

及往市馬故元降將咬住等言

上索之至是高麗送馬竝流民二百八十餘來歸二

十一年降人言王禍欲寇遼東其將李成桂還兵

回國 敕嚴備往偵狀是歲廢偶立昌昌復廢立

貴權國事蓋恭愍王顯無嗣為嬖臣洪倫等所弑

國相李仁人誅倫迎立養子禍禍昏恣與師內寇

以李成桂為副將至鴨綠反兵禍惶懼遜子昌國

人弗順恭愍妃安氏擇立王氏孫定昌君瑤二十

四年瑤遣子夷朝明年正月 詔班尚書下夷未

皇明世法錄 卷八十一 東夷 六 朝鮮

歸而李成桂復廢瑤自立其國都評議司奉
議妄殺子夷亦痴騃非門下侍郎李成桂莫可主

國

上曰高麗僻處東夷聽自為聲殺成桂遂更名且徙

居漢城請更國號 詔仍稱朝鮮王氏自建開國

歷四百三十餘年而絕李成桂者全州人自言遠

祖翰仕新羅為司空六世孫兢休入高麗至成桂

凡十七世竟代王有國

上以遠夷置不問心固弗善也且遣使請朝鮮印及

封誥表不孫下吏索撰表人鄭總安置雲南二十

六年遼東泰朝鮮陰誘女直人五百潛度鴨綠江

將寇邊下敕切責 諭守臣謹備絕貢使二十九

年請印誥不許且老聽以子芳遠襲卒謚康獻永

樂元年芳遠表言洪武中賜金印龜紐項經建文

更制乞如舊頒給 詔予印誥及冕服九章春秋

會通等書二年

上欲屯田遼東徵牛朝鮮芳遠以萬頭獻 敕遼東

都司分給屯田每頭酬絹一疋布四疋 賜其王

文綺表裏六年世子提來貢七年諭進馬供用芳

遠獻萬匹助征虜十六年請老子祠嗣時遷都北

皇明世法錄 卷八十一 東夷 七 朝鮮

京距朝鮮爲近二十一年征阿魯台駐蹕沙城徇
遣陪臣崔雲奏平今還京平命宣德元年芳遠卒
謚恭定賜嗣王徇五經四書性理大全通鑑綱
目因謂禮部尚書胡濙聞徇勤學故賜之令小國
民蒙惠亦朕所樂也二年赦進馬五千匹四年
徇獻海東青詔珍異非朕所貴其勿進使還賜
王磁器救貢獻唯土物無以金玉七年遼東都司
言諸屯缺耕牛諭朝鮮選給萬頭償以絹布五萬
疋如前例時毛憐建州夷詐爲忽剌溫野人犯朝
鮮境朝鮮以兵攻建州遣使敕諭八年總兵官巫

皇明世法錄

卷八十一

東夷

朝鮮

凱奏朝鮮擅兵

上曰遠夷爭競但謹邊備而已徇欲遣子弟入就學
不許仍賜書俾學國中九年聞黑龍江七姓野
人議侵朝鮮救徇嚴爲禦正統二年建州左衛
都督猛可帖木兒爲七姓野人所殺其子童倉與
叔凡察遣居朝鮮畧奪得罪亡歸四年建州都指
揮李滿住等言朝鮮招叛朝鮮亦言凡察誘住童
倉逃匿慮與李滿住同謀生讐諭仍還境喊凡察
等言徇阻畱部落六年徇復憩凡察舊居境城阿
木河此離失所撫恤備至近徙東陣忽潛依李滿

住誰爲追阻滿住居婆猪江屢引忽剌溫掠臣邊
今凡察與同惡背恩已甚

上敕徇國家倚王爲東藩如凡察滿住異類畜之無
與較七年以建州朝鮮構怨命錦衣衛指揮吳良
等齎敕諭朝鮮集境城人口質審去留戒凡察無
妄索會反刺密令女直諸部誘脅朝鮮徇拒之曰
共事

上敕獎徇忠誠賜綵帨并諭徇東寧等衛諸通逃
無間漢人女直茲擒解無貽累爾國十年倭犯朝
鮮求獻俘時虜寇邊詔朝鮮備馬三萬景泰元

皇明世法錄

卷八十一

東夷

九

朝鮮

年貢馬五百奏比歲馬耗損未能猝辦正勿復貢

徇卒子珣嗣遼東報虜掠開原瀋陽及圍撫順女
直李滿住凡察董山等爲迫脅入寇救珣飭邊防
勦三年珣卒謚恭順子弘暉嗣五年賜弘暉宋
史從其請也弘暉釋而屠七年遜其叔琿遣內臣
冊琿爲王天順三年登州衛運遼軍有花舟漂至
朝鮮撈得十之七琿給木糧送歸朝賜較獎
諭是歲琿納建州前董山私授中樞密使謀得其
制書遣科臣往瑛飾詞出制書示之驚服貢馬謝
罪四年朝鮮誘殺毛憐衛都督郎上兒哈兩降救

解璽五年建州衛人乘夜掠義州論朝鮮無挑
禍成化三年卻所遣海東青白鷗王師建州瑤
遣中樞府知事康純等率兵萬餘協攻遂斬李滿
住及擒勒部落以俘獻 聖書褒異加賜金綺珠
草卒 賜諡惠莊子 賜嗣始冊封率遣內臣時遼
左薦饑御史侯英疏稱中使繹驛朝鮮號秉禮國
乞簡廷臣往

上是之著為令六年 晚卒諡懷德以子幼立見子嬰
嗣王七年嬰奏李滿住子索而哈聚眾修怨乞邊
臣應援十一年復奏建州野人糾毛憐等衛夷侵
皇明世法錄 卷八十一 東夷 十 朝鮮
授時禁外國互市銅錢弓角等物十三年嬰奏小
邦北連野人南隣島倭

高皇帝嘗賜火藥火砲今乞弛禁市弓角令歲市五
十無過多十四年朝鮮貢使還被寇掠官輟捕獲
都御史王越請臬示彰國法仍還原劫以慰遠人
十五年建州酋伏密加等復盜邊 詔朝鮮夾擊
獲遣右議政尹弼商等渡江擒獲多擒斬明年春
來獻捷 賜宴禮部亡何建州掠朝鮮從騎以報
犒巢之役弘治初歲貢獻如例七年嬰卒諡康靖
八年封子璽為王十二年璽請授還下海民戶遼

東守臣亦奏軍民迺聚海島得及時解散從之璽
病風令弟懌權署國事正德二年懌嗣王十三年
修貢請更會典所載宗系嘉靖改元遣修撰唐皋
宣諭以親藩入繼大統意始

毅皇帝時懌請冊世子中使金義陳浩黃祿內降往
賜懌等金幣括取異物及童男女至是以禮官言
報罷十五年以 皇子生頒詔朝鮮先是 皇嗣
冊封始遣使外夷

上特令詔諭因著令甲明年修撰龔用卿等使朝鮮
還請凡事關禮制一體諭知即令陪臣賁示報可
皇明世法錄 卷八十一 東夷 土 朝鮮
十八年表賀上 廟號尊諡及

睿宗祔廟明堂禮成御奉天門延見使者二十三年
朝鮮民洪贊等航海漂入通州海門界傳詣 京
師給衣糧護歸明年漳州民李王乞等通番漂朝
鮮送遼東都司權國事世子皓以王懌計來告皓
嗣未踰年卒立其弟岫二十六年岫獲福清通番
人馮淑等并貨物解遼東咨稱閩人向無汎本國
者頃前後獲千人皆市易日本關出火藥軍器恐
起兵端
上令查勘海道 賜岫金幣旌忠順三十一年岫以

國初所賜樂器敝壞奏求律管仍乞遣官赴京肄習以遵朝制三十六年大內災廼上表奉慰三十八年後犯朝鮮擊之盡殪因賀冬至奏聞并歸所掠獎賜有差明年賀使至遼直虜傷從官一詔自今朝鮮貢使並迎護出境隆慶元年表賀

肅皇帝尊謚部議尊謚廟號無稱賀禮然不當以律遠夷賜幣報聞其冬廼幸謚恭憲從子昭嗣立初李成桂易姓

高皇帝心惡其篡而傳者復訛以爲仁人子因苦福訓稱李仁人及子成桂凡先後殺王氏四子以爲皇明世法錄 卷八十一 東夷 十一 朝鮮

求鑒其後嗣累表白世系非仁人後并言恭愍弑繇安臣仁人誅倫立禍迫禍寇遼荒區成桂反

傳昌至瑤竟以國人擁戴請命代立未嘗身與逆順得薄雪萬曆三年重修會典乃更定如今文

云二十年倭乘朝鮮弛備大縱兵巨酋行長清正等分道陷豐德諸郡駭倉皇走義州顧內局

上采廷議遣兵部侍郎宋應昌等濟師復王京略得還國當是時朝鮮入道幾覆非

天子深念藩籬前後特簡重臣經畧朝鮮勢必不守大抵朝鮮恭謹異它夷國家寵禮亦加等自洪

熙後歲遇元旦及萬壽千秋節皆遣使表賀貢方物它慶慰謝恩無常期嘉靖十年始令外夷元旦朝賀例改冬至大事必須詔其國請封告哀率遣近臣及行人冊封弔祭朝鮮使至例得瞻拜太學禁網亦疎弘治中因女直貢夷警殺樂議出入嘉靖十三年陪臣蘇洗讓請得出館游觀如舊禮部尚書夏言覆許正使員役五日一次出館令通事一人陪侍以示禮遇且寓防衛

上輒可其奏攷四履東西相距二千里南北四千里其東西南並濱大海北隣女直南隣倭西北限鴨皇明世法錄 卷八十一 東夷 十一 朝鮮

綠江江出棘鞞之白山平壤在其東南自昔憑以爲險分八道以統州郡曰京畿曰忠清曰慶尚曰全羅曰黃海曰江原曰平安曰咸鏡設官舉士畧倣中國因田制俸俗柔讓以蹲踞爲恭崇釋尚鬼惡殺多所諱忌士人喜讀書工詩文衢路悉構嚴室號爲堂未婚者曹處誦經習射歲以季秋慶高年吉凶悉稟家禮釀用秬廣袖戴折風巾平居衣色尚白法無苛條其敗常犯昧及再嫁者三司子孫不商人首無枕骨背扁側境內山田元都神嵩北嶽海鴨綠江爲大又有江曰大定曰大同

而漢江最勝自鴨綠東流入於海歷數千里至漢
城匯爲巨浸南即古百濟又東爲古新羅近唐熊
津都督府土產金銀銅鐵水晶鹽繭苧布摺扇龍
文簾席白唾紙狼尾筆紫花硯果下馬長尾雞貂
豹海豹皮八精魚杭桑松栴蓍茂蔎人參共貢
道渡鴨綠江則自鴨鴨關越遼陽寧前屯入
山海關以達京師凡迂回三四鎮戍成化中苦
女直邀劫請改詠遼陽南徑遼寧前職方郎劉大
夏以祖制有微意持不可議遂罷

皇明世法錄

卷八十一

東夷

古

朝鮮

錄乃得所謂檀君檀君者其傳堯戊辰歲有神降
太伯山植木下國人君之至今奉祀不廢檀君與
箕子金都平壤史稱衛滿都王險王險亦平壤也
漢取爲樂浪郡范曄東漢書敘東夷特詳曰大餘
曰高句麗曰東沃沮曰濊曰馬韓辰韓弁辰共言
濊及沃沮句麗本朝鮮地而夫餘屬玄菟韓有三
種其統最大而朝鮮王準爲衛滿所破將餘衆數
千人入海攻馬韓自王則諸國當通系朝鮮其後
併入高句麗兼有新羅百濟拓境市倍大已乃以
陪唐師武臣力頗抗前旌號爲動敵頃茂海波稍

警翦焉殘覆強隣虎眦不遑回國何今昔強弱
庭哉或以向習華風轉趨文弱摩厲自強無爪
翼亦有土自完之哲也攷箕子封朝鮮傳四十一
代至準凡九百二十八年而失國準入韓地金馬
郡自立號韓王又傳二百年併於百濟前後凡傳
祚千一百二十餘年三代受命未有若斯之多歷
者用夏夷於今爲烈吁嗟盛矣

皇明世法錄

卷八十一

東夷

古

朝鮮

西戎

論曰西域遠在天末自可存而不論而叩關來玉匪干戈是尋而共球是飭亦可覩

國家咸賓之盛矣唯是賈胡借端漁利所在釋騷不無誣虛名而受重困而夷德無厭如土魯番之吞噬哈密乍盟乍寒玩我股掌寢假不可復問所貴謹華夷之界而靡以戎索無使生心窺隙治以不治乃王者駕馭戎狄之畧也

土魯番

土魯番一曰土爾番在大州西百里漢車師前王地車師前王居交河城以河水分流繞城因名焉唐置西州交河郡且析以爲縣有安樂城方一二里地曠衍四面皆山城西二十里崖兒城可二里居民百餘家相傳故交河縣治也永樂十一年遣吏部員外郎陳誠使西域十三年土魯番遣使隨誠入貢授酋長都督都指揮等官宣德五年都督僉事尹吉兒察及指揮僉事猛哥帖木兒等率其卒來朝請留京師

居第什器歷正統天順土魯番朝貢不絕成化初速檀阿力寢強速檀華言王也數引兵掠哈密九

年遂入其城虜王母及金印去阿力成于阿里

嗣阿黑麻坎子滿速兒嗣相繼擾哈密及赤斤

衛是時夷酋所親信牙木蘭娶哈密人火辛哈即

女與寫亦虎仙妻爲友兄弟陰相構結正統八年

至誘忠順王拜牙即走匿而以火者他只丁入哈

密居住巡撫都御史趙鑑劾謂夷信義可仗倘

以金縢明年土魯番遂索萬幣贖城印贖肅州嘉

靖初兵部尚書王瓊招撫稍戢十一年土魯番連

壇滿速兒天方國速壇札刺丁撒馬兒罕連壇阿

卜寫亦哈密都督米兒馬黑木及額即札哈辛等

各遣使人貢共四千人禮部言哈密貢期同朵顏

三衛

祖制三衛皆許入京哈密則十人起送二人今西域

諸夷遠在萬里素非屬國而夷使過倍番文二百

餘通皆以索牙木蘭爲驛且求賞不貲似借端窺

伺邊臣違例起送非法至額即札哈辛乃韃靼回

夷向未入貢今亦遣五十餘人疑並土魯番部落

所託請下督撫分別存留以尊國體

上可其奏明年土魯番使虎力奶翁等以甘肅內臣

美橫恣想部

此乃試本，而

www.ertongbook.com

勅遣大理寺少卿蔡經同科臣錦衣各一員詣甘肅
會督按官查勘降罰有差久之滿速兒死子沙速
檀嗣父子馬黑麻復據哈密占種沙州二十四年
遣使求貢并給地住牧總督都御史張珩以聞兵
部議土魯番世濟克惡今馬黑麻結婚瓦剌潛耕
屬衛意在踵轍內訌以謀泄求欵恐爲窺伺甘肅
之漸宜諭以華夷界限無妄乞無盜種無殘哈密
無苛貢夷乃許通使如其執迷請卽閉關聲討明
年馬黑麻赴關納欵而土魯番貢使火者阿力克
等凡八百七十四人扣嘉峪關巡撫都御史傅鳳

皇明世法錄

卷八十二

西漢

大

甘肅

翔總兵仇鸞居之甘州先是土魯番撒馬兒罕哈
密諸夷每假進貢留京商販延至三四年有

旨禁諸夷私出館貿易勒期遣還仍

詔土魯番五年一貢貢使除量准赴京半留肅州半
留甘州其後諸夷貢不如期且併居稠襍屬楊博

代鳳翔疏請

上裁命量准百名存留甘肅聽減半給賞餘諭出關

仍奪鳳翔等俸有差嘉靖末沙速檀潛掠北虜中

流矢死弟馬速嗣請貢許之隆慶時馬速死馬黑

麻嗣其弟瑱非等並遣使來貢禮部言一姓四使

非令甲所載姑各附一使於馬黑麻使中示羈縻
無拂人嚮順意報可始甘肅無北虜患專防西
夷土魯番最奸狡自阿力以來皆挾哈密邀利隆
慶後不復言哈密事土魯番頗息肩而海虜轉熾
甘涼間其俗候煖鮮雨雪宜麻麥饒瓜果羊馬室
居奉佛多僧寺往陳誠使至其國還言城西北百
里有靈山最大夷人言此十萬羅漢涅槃處也近
山有高臺旁寺擁石泉林木從此入山行二十里
至一峽南有小土屋從屋南登山坡得石屋奉小
佛像五前有池池東山石青黑遠望紛如毛髮裏

皇明世法錄

卷八十二

西漢

大

甘肅

人言此十萬羅漢洗頭削髮處也緣峽東南行六
七里登高崖崖下小山巒巒峯巒秀削其下白石
成堆似玉輕脆不可握堆中有若人骨狀堅如石
色澤明潤夷人言此十萬羅漢靈骨也又東下石
崖得石笋迸出如手足稍南至山坡石復瑩潔如
玉夷人言此辟支佛涅槃處也周行羣山約三十
餘里悉五色沙石火焰灼人四面峻壑窮崖天巧
奇絕然寡艸木亦鮮鳥獸自誠使後土魯番漸張
旁嚙諸國及關外七衛地廣人庶昨昔懸絕矣弘
治中經畧嘗罷其貢嘉靖二年後貢期以五年有

駝馬玉石鎖鑰金剛鑽梧桐懽柳青撒哈刺禪衣諸物萬曆中並來貢計土魯番去哈密几千里其鄰近爲火州柳城黑婁。

火州

火州漢車師前後王地也。自元帝置戊巳二較尉屯田車師前王庭和帝時班超定西域復置較尉領兵五百人居車師前部高昌壁以地勢高廠得名後魏初闕伯周自稱高昌王併於麴嘉唐貞觀中平其國置西州及都督府而西突厥據車師後王地尋以來降置庭州領蒲類等縣其後西州陷

皇明世法錄

卷八十一

西域

辛

火州

吐蕃有回鶻雜居亦稱西州回鶻宋時因遣使貢獻太宗遣供奉官王延德等使高昌經望鄉嶺歷伊州乃至地極熱產五穀惟無蕎麥出貂鼠白氈繡文花氈布赤白鹽蒲桃酒樂多琵琶篳篥俗好騎射婦人戴油帽謂之蘇幕遮用開元七年曆以三月九日爲寒食激水交潑爲戲佛寺皆唐賜額其國師子王避暑北庭山中出礪砂嘗有烟氣涌起至夕光焰若炬火照見禽鼠皆赤疑所繇稱火州者也元號畏兀兒隸馬哈木八。

國朝號火州城方十餘里東七十里距柳陳城西百

里爲土魯番永樂七年嘗遣使朝貢十二年吏部員外郎陳誠使至言其國風土蕭條民居僧堂參半皆零落東有荒城故址卽古高昌國治漢西域長史戊巳較尉所居處宣德五年火州王哈散偕土魯番萬戶賽因帖木兒柳東城萬戶瓦赤刺茲貢馬及玉璞爾後朝貢止稱土魯番云其城東距哈密西連亦力把力南接于闐北抵瓦刺東南至肅州一月程。

柳陳

柳陳一名魯陳亦曰柳城漢名柳中延光二年以

皇明世法錄

卷八十一

西域

主

柳陳

班勇爲西域長史將弛刑士五百人西屯柳中遂破車師卽其地也唐平高昌至柳中縣屬西州交河郡去哈密千里中經大川砂磧無水艸馬牛過此輒死大風倏起人馬相失道傍堆骸骨白日鬼魅迷人夷中謂之旱海出川西行至流沙河上有小岡云風捲浮砂所積道北火焰山色如火城方二三里四面多田園流水環繞灌木芩蔚候煖俗醇宜稼麥麻豆有小蒲萄甘甜無核名鎖子蒲萄人二種回回男子削髮戴小單刺婦女白衣裹頭畏兀兒男子椎髻婦人蒙皂布垂髻於額大抵

皆胡服。

黑婁

黑婁在嘉峪關西近土魯番世締好黑婁夷貢從土魯番入其地男女山水艸木禽獸並黑宣德七年始遣使朝貢。

于闐

于闐國東西五千里南北千里在沙州西南去蔥嶺二百里大畧蔥嶺以南其國撒馬兒罕最大以北于闐最大于闐有河北流與蔥嶺河合東注蒲昌海所名鹽澤南出積石爲河源者也其西水皆

皇明世法錄

卷八十一 西域

三

黑婁于闐

西流注西海國人每歲秋取玉於河曰撈玉夜聯月光盛處索美玉必得焉河分爲三有白玉綠玉黑玉之別土宜五穀桑麻釀葡萄酒甚美俗機巧事妖神西五百里有比摩寺云是老子化胡成佛之所自高昌以西國人深目高鼻惟于闐貌不甚類胡亦稍知禮節相見輒跪得問遺書戴于首乃發之自漢武帝以來中國詔書符節傳以相授工紡織喜歌舞善鑄銅器以木爲筆玉爲印漢建武末莎車王賢攻并于闐徙其王俞林爲驪歸王後于闐將休莫霸自立傳兄子廣德遂滅莎車轉強

盛順帝永建六年于闐王遣侍子詣闕貢獻梁天

監九年始通江左十三年獻波羅漢步障隋大業

中頻朝貢其王以王爲氏唐貞觀六年遣使貢獻

王姓尉遲阿史那社爾躬平龜茲勸于闐王伏闕

信入朝上元初以其地爲昆沙都督府安史亂後

不復至石晉天福中其王李聖天自稱唐宗屬遣

使來貢紅藍鬱金諸物冊爲大寶于闐國王宋建

隆二年貢主一以玉爲押乾德三年僧善名善法

來朝賜紫衣四年王言破疏勒國得無多一欲以

爲貢詔許之天聖三年貢玉帶胡錦獨峯靈駝詔

皇明世法錄

卷八十一 西域

三

于闐

給還其直嘉祐八年以其國王爲特進歸忠保順砮鱗黑韓王從所請也于闐謂金翔鳥爲砮鄰黑韓蓋可汗之訛云訖宣和數朝貢永樂六年其酋打魯哇亦不刺金遣使貢玉璞十二年吏部員外郎陳誠至其國見徭鄰境頗單弱人民僅萬計皆避居山谷間惟大州魯陳哈失哈力阿力稍有城邑永樂後西戎修貢不敢相攻始獲休息行賈諸番國益饒富始于闐貢使每來必携一寶璫徃反砮之鐵璫耳云其來道流沙踰三月程無薪水獨挈水行是璫投以水卽沸故寶之或曰其城東距

曲先衛托連亦力把力東北至肅州六千三百里

亦力把力

亦力把力或曰焉耆或曰龜茲在沙漠間東距古沙州西抵撒馬兒罕南接于闐北連瓦刺東南至嘉峪關三千七百里元時封馬哈木于此名別失八里世祖立宣慰司以萬戶綦公直爲宣慰使後置元帥府領屯田洪武二十四年國王黑的兒火者遣使貢馬命主事寬徹等報諭以書永樂四年王沙迷查于貢王璞且言哈密忠順王安克帖木兒爲北虜鬼力赤毒歟願率兵討之

皇明世法錄

卷八十一

五

亦力把力

上喜特賜綵幣十二年陳誠使其國十六年夷目速哥克刺滿刺來朝言歪思弒其從兄納黑失只罕自立爲王徙其國東去更號亦力把力正統二年其王也先不花遣人貢玉璞駝馬景泰天順後入貢不絕其國逐水艸住牧以璫罽爲帳寒暑坐臥於地無城郭宮室近蔥嶺有熱海然氣候常寒深山大谷六月飛雪平原夏秋稍暖王戴小單刺簪鷄翎衣秃袖衫削髮貫耳甘肉酪或食糗麥俗獮而穢言語類畏兀兒產銅鐵鉛雄黃胡粉氍毹呵魏白氍布又哈失哈力宜德間遣十四人來朝貢

或曰卽阿方馬力

撒馬兒罕

撒馬兒罕古罽賓國在懸度山西史稱地平溫和
有首霜梓竹漆蒲萄諸果下溼生稻其民雕文刻
縷治宮室織罽刺文繡市以金銀爲錢出封牛沐
猴孔雀珠璣珊瑚琥珀亦西域都會也其先匈奴
破大月氏大月氏西君大夏而塞王南君罽賓自
漢武帝始通中國更立其王成帝時遣使來獻漢
欲往報柱欽說大將軍王鳳以罽賓更不屬漢之
國四五又歷頭痛之山身熱之阪繩索相引乃抵
縣度涉危路以事無用非久長計卒罷遣如欽言
隋爲漕國大業中貢方物其王姓昭武戴金牛頭
冠俗乘象治浮屠法唐貞觀中罽賓獻名馬王居
脩鮮城顯慶三年以其地爲脩鮮都督府拜其王
都督開元七年遣使獻天文及秘方奇藥元駙馬
帖木兒主其國東有養夷沙鹿海牙賽蘭達失于
西有渴石迭里迷諸城並隸焉洪武二十年國主
帖木兒遣貢駝馬厚賜之二十二年復貢馬二十
四年貢海青

賜勅加賚二十四年遣使迭力必失表貢馬二百匹

初撒馬兒罕人商於漠北自捕魚兒海見

上疑奸細留中國久得其情遣歸國其主因貢謝及之二十八年遣兵科給事中傅安郭驥等使西域留撒馬兒罕永樂五年還夷目哈里遣使隨貢方物安等言帖木兒卒孫哈里應嗣

上賜哈里璽書銀幣且諭祭帖木兒賜安等衣項之兀魯伯貢馬復遣安報使或曰兀魯伯即哈里是歲北平按察使陳德文亦自撒馬兒罕歸德文洪武末使西域遍歷諸境采山川風俗作詩歌一帙進呈

皇明世法錄 卷八十一 西域

撒馬兒罕

上嘉之賜馬擢僉都御史洪熙元年傅安始還國請勅命吏部言安歷年歲久未經考覈例不得授

上曰安留遠夷二十餘年良苦何例爲命特與之正統二年貢馬玉石四年貢良馬色玄蹄額皆白

詔圖像賜名瑞鵠十三年又貢方物命宴其使陝西布政司成化十七年進二獅至嘉峪關夷使奏遣大臣往迎職方郎陸容言獅子無用之物在郊廟不可爲犧牲在乘輿不可備駟服宜卻勿受禮部尚書周洪謨亦言往迎非體

上卒遣中使迎之獅日食生羊二醋醢蜜酪各二瓶

拳獅人光祿日給酒飯二十二年夷使泊六灣還

國迂塗至廣東將往滿刺加市役狃入貢市舶中使韋眷佐之所在震駭布政使陳選抗言此西域賈胡恣爲奸利願無墮其謀開海道貽諸番笑部覆得寢而番禺縣民黃肆等賄結韋眷交通撒馬兒罕等國夷商滋擾知縣高瑞搜沒番貨鉅萬選具奏竟爲眷誣逮獄道沒南昌聞者惜焉弘治二年撒馬兒罕遣使貢獅所過繹驛禮科給事中韓鼎言狎之獸狎玩非宜且供費不貲宜罷遣三年又繇南海貢獅及鸚鵡禮部尚書倪岳言南海

皇明世法錄 卷八十一 西域

撒馬兒罕

非西域貢道請卻之自後貢皆從嘉峪關入嘉靖改元撒馬兒罕等夷各進貢陝西行都司伴送至甘州驗放入關各夷留西安真定貿易踰年始赴京禮部尚書汪俊疏稱各夷在途遷延今後給賞卽促起程仍行陝直河南各夷還日延住驛遞一日以上住支廩給

上從其議二年始定五年一貢其國東西相距千里在哈烈東北三千里東去嘉峪關九千九百里山川錢門峽阿水河最大王白帽婦人以白繒纏首尚回回教有拜天屋青石雕縷最精巧經文裏以

羊皮書以泥金城市稠密西南番賈多聚焉禁酒以手取食貢物有番梳矮納鎖服腦砂賽蘭珠梧桐鱗銀鼠皮珊瑚樹枝阿思馬亦花珠道哈密南史述鬱金香獨出罽賓國華色正黃而細大似美客又北戶錄稱唐初罽賓國獻俱佛頭花爲中國所無今不聞入貢

沙鹿海牙

沙鹿海牙在撒馬兒罕東五百里城據小岡西非臨山河河名水站勢衝急有浮梁其地南近山三面皆平川居人依崖谷頗繁庶西有大沙洲可二

皇明世法錄

卷八十一

西域

百餘里無水卽有水不可飲牛馬飲輒死有臭艸根株獨立高尺許枝葉如葢春生秋死穢氣逼人取生汁熬膏卽阿魏也亦有細草以熬膏味如蜜

賽蘭

賽蘭一作賽藍去撒馬兒罕千里在達失干東城周三里有浮圖爲祈拜之所四面平原流水環繞草木豐茂五穀蕃殖夏秋間艸生黑蜘蛛甚小毒甚嚙人遍體作痛號呼動地土人誦呪禳解以薄荷枝拂毒處又以鮮羊肝遍察經一晝夜痛息膚如蛻牛馬被傷輒死行人宿必近水避焉元史序

薛塔刺海從征賽蘭諸國並以戰立功考會典西夷貢物有賽蘭珠石

達失干

達失干在賽蘭西去撒馬兒罕七百里城據平原甚狹小四面平岡溪流蜿蜒多林木土宜五穀居民稠密俗朴而饒

渴石

渴石在撒馬兒罕西南二百六十里城據大村周十餘里四面水田東南近山中有園林頗宏麗故酋帖木兒駙馬居也墻壁總櫺飾以金碧琉璃堂

明世法錄

卷八十一

西域

四隅白石甚如玉西行十餘里多奇樹又西三百里大山屹立中有石峽兩壁懸崖如斧劈行二三里出破口有門石色如鐵夷人指云此鐵門關也元太祖至東印度駐鐵門關有一角獸形如鹿而馬尾其色綠作人言以問耶律楚材對曰此瑞獸名負言四方語好生惡殺帝爲班師蓋其地近東印度矣

迭里迷

迭里迷去哈烈二千餘里在撒馬兒罕西南新舊二城相去十餘里王居新城東距阿木河河廣非